

1103/1

Bahasa Melayu

Kertas 1

November/Disember

2022

2 jam



**MAJLIS PENGETUA SEKOLAH MALAYSIA
NEGERI SEMBILAN**

=====

**PROGRAM PENINGKATAN AKADEMIK TINGKATAN 5
SEKOLAH-SEKOLAH NEGERI SEMBILAN 2022**

BAHASA MELAYU

Kertas 1

Dua jam

JANGAN BUKA KERTAS PEPERIKSAAN INI SEHINGGA DIBERITAHU

1. *Kertas peperiksaan ini mengandungi dua bahagian : Bahagian A dan Bahagian B*
2. *Jawab soalan Bahagian A dan satu soalan daripada Bahagian B.*
3. *Jawapan boleh ditulis dalam tulisan Rumi atau Jawi.*

Kertas peperiksaan ini mengandungi 4 halaman bercetak dan 4 halaman tidak bercetak.

[Lihat halaman sebelah

BAHAGIAN A

[30 markah]

Soalan ini mesti dijawab.

Grafik dan maklumat di bawah berkaitan dengan Pesta Buku Antarabangsa yang diadakan di Kuala Lumpur. Sebagai seorang setiausaha persatuan di sekolah anda, tulis **sepucuk surat** kepada pengetua untuk memohon kebenaran dan tujuan menyertai pesta buku tersebut.

Panjangnya huraian hendaklah **antara 150 hingga 200 patah perkataan**.



Tempat : Pusat Dagangan Dunia Kuala Lumpur (WTCKL)
Tarikh : 03 – 12 Jun 2022
Masa : 9.00 Pagi – 10.00 Malam

Sumber : Internet

Masa	Aktiviti	Kategori
9.00 pagi- 11.00 pagi	Pertandingan Menulis Esei/ Pertandingan Bercerita	Sekolah Rendah/Sekolah Menengah
2.30 petang- 4.30 petang	Bicara Bersama Tokoh Bahasa	Sekolah Rendah/Sekolah Menengah
5.00 petang- 6.30 petang	Kuiz Bahasa/ Program Bijak Bahasa	Sekolah Rendah/Sekolah Menengah

Sumber : Internet

Pesta Buku Antarabangsa Kuala Lumpur 2022 merupakan anjuran Majlis Buku Kebangsaan Malaysia di bawah Kementerian Pendidikan Malaysia dengan kerjasama Persatuan Industri Buku Malaysia. Keadaan ini memberikan peluang kepada murid untuk mewujudkan jaringan dengan pihak luar seperti Karang kraf dan Dewan Bahasa dan Pustaka.

Dipetik dan diubah suai daripada
Berita Harian Online, Jun 2022

BAHAGIAN B

[70 markah]

[Masa dicadangkan : 1 jam 20 minit]

Pilih **satu** daripada soalan di bawah dan tulis sebuah karangan yang panjangnya **antara 350 hingga 500 patah perkataan**.

1

Sesiapapun tidak menafikan budaya membaca antara kunci kecemerlangan dan mampu mengubah corak kehidupan seseorang. Apatah lagi melalui pembacaanlah pelbagai ilmu ditimba khususnya insan bergelar pelajar. Dalam mendepani cabaran kecanggihan teknologi, budaya membaca seharusnya terus disemai kepada pelbagai lapisan usia. Pengarah program Ilmu Tautan Kasih, Behoney Low Lee Tong berkata, sebanyak 2,927 buku kanak-kanak pelbagai bahasa telah disumbangkan oleh Perpustakaan Negara kepada perpustakaan awam dan beberapa buah sekolah.

Sumber : Harian Metro.com.my, 5 Ogos 2019

Sebagai respons terhadap kandungan petikan akhbar di atas, aktiviti membaca seharusnya menjadi amalan masyarakat kerana bangsa membaca bangsa yang berjaya.

Jelaskan kepentingan-kepentingan amalan membaca kepada masyarakat.

2

Pendidikan TVET merupakan laluan yang penting bagi negara seperti Malaysia untuk melahirkan modal insan yang berkemahiran tinggi, berpengetahuan, berinovasi, dan mampu menghadapi saingan pada peringkat global dan serantau serta sentiasa relevan dengan keperluan semasa. Sebagai remaja, peluang mengikuti pengajian yang berkaitan dengan TVET mampu membentuk kemahiran tertentu yang bersesuaian dengan keperluan semasa dalam pasaran pekerjaan.

Sumber: Dewan Siswa 06/2015

Petikan di atas menyatakan maklumat yang berkaitan dengan Pendidikan Teknikal dan Vokasional (TVET).

Bincangkan kebaikan Pendidikan Teknikal dan Vokasional (TVET) kepada para pelajar dan negara.

3

Kerajaan bukan sahaja secara serius menggalakkan golongan muda terlibat dalam sektor pertanian tetapi turut mengajak graduan bersama-sama dalam usaha meremajakan industri penting negara ini. Timbalan Menteri Pertanian dan Industri Makanan II, Datuk Che Abdullah Mat Nawi berkata, inisiatif dan galakan kerajaan itu juga sebenarnya adalah sebahagian usaha bagi mengatasi masalah pengangguran dalam kalangan mahasiswa. Sehubungan dengan itu, menurutnya bagi merealisasikan hasrat itu kerajaan memperkenalkan Program Agropreneur Muda bermula tahun 2016 di bawah Rancangan Malaysia Ke-11 (RMK-11).

Dipetik dan diubah suai daripada
'MOA Galak Graduan Ceburi Sektor Pertanian',
BERNAMA, 15 Jun 2020

Petikan akhbar di atas menerangkan bahawa bidang pertanian mampu mengatasi masalah pengangguran dalam kalangan mahasiswa. Namun begitu, bidang pertanian kurang diminati oleh golongan belia kini.

Sarankan usaha-usaha yang harus dilakukan untuk menarik minat golongan muda dalam menceburi bidang pertanian ini.

4

Menjimatkan wang semasa zaman remaja memang sukar, terutamanya apabila anda mempunyai rakan yang gemar membeli pakaian baharu dan melakukan pelbagai aktiviti yang memerlukan perbelanjaan pada hujung minggu. Begitu pun, tidak mustahil untuk remaja mengisi tabung peribadi. Oleh itu, remaja perlu bijak merancang dan mengetahui cara terbaik untuk berbelanja secara berhemat dan tidak mustahil anda mampu merancang perbelanjaan serta kewangan pada usia muda. Walau bagaimanapun, remaja perlu sentiasa mendapatkan nasihat daripada ibu bapa dalam merancang perbelanjaan.

Sumber : Dewan Siswa, September 2008

Petikan majalah di atas menyatakan bahawa remaja perlu berhemat dalam berbelanja bagi mengisi tabung peribadi. Sebagai respons terhadap kandungan petikan di atas, golongan remaja perlu memainkan peranan yang penting dalam merancang perbelanjaan dan kewangan pada usia yang muda.

Sebagai remaja, jelaskan langkah-langkah yang perlu anda ambil dalam melaksanakan perbelanjaan berhemat.

KERTAS PEPERIKSAAN TAMAT

